

(لابن شلاح في من يغتر بدنياه)

ان كان تضحك معجبك كثر دنياك
وهيا بقبلبك صار حب كبيرى

اذكر الى قفيت عنها وشلناك
ولاقيت مشواك الاكيد الاخيرى

ولاعاد تنفع يارصيد تركناك
في البنك ولافي ملف المديرى

ولاعاد تنفع يامحل بنيناك
وتلك المجالس والكنب والسريرى

ولاعاد تنفع يامحل فرشناك
بالزل ولا بالذهب والحريرى

ولاعاد تنفع يارفيق ذكرناك
عن الشفاعة صار حبلك قصيرى

ولاعاد تنفع ياحبيب عطيناك
تلك المحبه في الزمان القصيرى

ولاعاد تنفع ياطريق مشيناك
من كل خطوه منك شرا شريرى

ولاعاد تسمع ياضعيف ظلمناك
الا بعفو من السميع البصيرى

لكن يا شي منول حقرناك
ماانتة بشي وفي نظرنا حقيري

اليوم في حاجة بنادم لقينناك
لقمة صخي عند الضعيف الفقيري

